

106 年全國語文競賽客家語朗讀文章國小學生組（四縣腔）

編號 1 號

【火雞咕嚕咕嚕】劉玉蕉原作

「咕嚕，咕嚕」園肚个火雞，看著這兜細孬仔，撐開像扇仔个尾翼，兩隻腳踢啊踢行等過來，緊行喉嚨還「咕嚕，咕嚕」緊叫，下該埕紅色皺皮，跔等叫聲顛顛掣掣，看著實在得人畏！分毋清佢係歡迎這兜，抑係抗議兜忒吵，看佢恁仔面紅紅，眼視視仔，尖尖个觜又像關刀，隨時愛劈過來个樣相，這勢面，看莫惹佢有較贏！

還記得該年，轉姐婆屋下，一下車，無等阿爸阿姆攞好等路，就衝等入伙房屋去尋姐婆，姐婆無尋著，嘎來惹著屋角歇個个兩隻大火雞，緊怵著像阿婆畜个該隻烏狗共樣，恁溫馴，鼻得出吾个味緒，就無加注意，無想著該火雞「咕嚕，咕嚕」就拂等來哩，兩隻大火雞齊齊對颯過來，正看著佢兜下个紅肉，晃啊晃，一幹頭，屎肫就畀觜著咗，「阿姆哀唷～！」拚等走往出，盲知該火雞看好欺負，也逐等來，「媽～」放聲噉，喊阿姆，阿爸對地泥下抓著一枝竹仔，就過去，兩隻火雞「咕嚕，咕嚕」真毋甘願个樣仔，眼視視仔，走到牆頭脣，尖尖个觜還「咕嚕

，咕嚕」叫無停。

屋背做事个姐婆，聽著賠命个噉聲，走出來，看著這光景，遽遽同捕緹緹講：「毋使驚，毋使驚，該頭牲仔得哩！」還講：「這火雞恁夭壽，敢拂吾孫女，天光來同佢刷忒分你食！」緊講緊笑，也毋知佢係正經謹抑係詐意仔謹。該央時个，總知講該兩隻火雞死該哩！

自該擺个事件過後，見看著火雞，心肝肚就先驚便，閃佢閃到遠遠，今晡日跔先生來休閒農場遠寮，遠遠看著火雞，還係一隻「驚」字，屎肫掌啊掌仔，該年个驚險一幕，就像昨晡日正發生个樣仔。驚佢又過恬恬拂啊來，毋敢行兼，毋過，這園肚个火雞啊，分人跔等，少忒該雄頭，顛倒試著佢兜異衰過，就像偲這兜細孬仔共樣，天闊地闊任在你颯，幾成歡喜噉；係講同你跔在屋肚，麼个都做毋得，你會仰般？